



GETHSEMANI RÂWL

(Monthly Prayer Bulletin of Hmar Christian Fellowship Delhi)

Volume No. II | Issue No. 5 | Thlaphur (May), 2024

'lenga khawm lunginzîng naw ro, iengkimah ãawngtai le hniin, lawmthu hril sa peiin, in dithai chu Pathien kuomah inhriettirin um lem raw se' (Filippi 4:6)

Sam 32:6-ah hieng hin a'n ziek, "Chuleiin, hmu thei I ni lai, Pathien ngaisak mi taphawt chun, ãawngtaiin I hmaah kûn sien, Buoina tui lien insâng pha khawm, Anni chu chîm phâk ngai naw nih." Buoina le harsatna tui lienin a mi chîm pil nawna dinga hmangruo ei nei laia pakhat chu ãawngtaiina hi a nih. Oswald Chambers, Scottish evangelist le zirtirtu hmingthang, chun hieng hin a lo hril, "ãawngtaiina hi a vâwtâwp thila dingin hmang ei tum chau hlak a, nisienlakhawm ei Pathien ruok chun ei invêngna dinga ei hmangruo hmasatak dinga a dit a nih." ãawngtaiina hi ringtuhaiin râi ei dona le hmêlma laka ei invêngna dinga thuom pawimaw êm êm el chu a nih.

Lâwmthu

ãawngtai, thilpêk le thaaw rawngbawlna hun ãa pêkin ei um; ei naupanghai tamtakin sikul admission an thaw fel thei

Damnawhai ta din

Nk. Elish Vanrammawi, Pi Lallawmsang, Pi Rebecca Buhrii le Pi Jenny hai cancer a'nthawk an dam fel ngêina din; Pu Thangsang Varte, pângngaia a lâwn theina din; Mr. Pankaj (Nk. Ruth Zothahnieng Sinate kuoma um) hrisêlna ãa Pathienin a pêk peina din; Pu Lalsiemlien Khawbung a dam peina din

Damnawhai ta din

Pu Lalremsûng Infimate, chuop tieng harsatna nei; Rev. Saithanglur Joute, thuok tieng harsatna nei; Pi Dardingpui Pakhuongte, a pum changtieng pang thunun thei lo (paralysed); Pu Doa, Delhi-a doctor pana inenkawl, Nk. Lalmalsawm, tha tienga harsatna nei, an dam peina din. Pi Rody Khawlum, liver transplant thaw zo le Pu Lalngil-nei Khawbung, a donor, an dam peina din; Pu Zosangpui, doctor pana inenkawl; Pi Lalremsang, lungphu le medicine doctor pana inenkawl, an dam peina din; Tv. Kamal (Parvah Tuition Centre-a student) liver transplant hmabâk chu a hun taka surgery thaw a ni theina din

01.05.2024 (Nilaini)

•Shikohabad, UP Mission field rawngbawlna: I. Nagaria, Farukhabad district-a Pu Davender le Pi Anguree hai sùngkuo fe thlenga ring thar an hung um peina din II. Gadia, Barabanki district-a Pu Pradeep le Pi Rajbhati hai sùngkuo, ring thar Bible tiem thei an uma, ringtu ãa tak an hung ni peina din III. Outreach ei thawna hmun thenkhata (Bhadan, Manchana, Harganpur, Ekara, Nawada, Majila, Firozabad district city, Lilma - Pi Reshma rawngbawlna hmun) ringtuhai ta din.

02.05.2024 (Ningani)

•HCFD Ningani Zan ãawngtai Inkhâwm (Online): I. Thuoitu-Evan. Paozamuan, Sharing: Pi Zairemmawi
•Ei khawtlânga inchûklai le sinzawng hai ta din: I. Khaw lum tak kârah inchûklai haiin Pathien vêngnimna dawnga, hrisêlna ãa an nei seng theina din. II. Competitive Exam. inpuocha mêk/pe ding haiin hrisêlna ãa le hrietheina ãatak Pathien a'nthawk an dawng peina din III. Tuta thla sùnga sikul-a test/exam. nei ding haiin ãa taka an thaw seng theina din

03.05.2024 (Zirtâwpni)

•Mahipalpur, Rangpuri le Rangpuri Pahari hmunhai a Chanchinãa hril rawngbawlna ei Evan. Vanlaltlan Amaw-in a nei le inzawmin- Mi 15 hai chu inbiekpaw pui mêk niin, inkhâwmna neipui tum an nih. Ei Evan. Vanlaltlan Amaw ta dingin Pathien Thlarau Thienglim thawpuina. Mi 15 hai hin sandam an nih ti an hung inhriet chieng seng theina din.

04.05.2024 (Inrinni)

•Bethany Convent School: I. Admission thaw mêk ani a, naupang an mamaw zât inchûktir thei ding Lalpa'n a pêkna din II. Zirtirtuhai ta din III. Naupanghaiin Pathien vêngnimna an dawngna ding le Chanchinãa thlaichi tua um hai Lalpa'n a suk hring ngêina din.

•Hari Vihar-rawngbawlna centre-ah sùngkuoa ringtu an hung um theina din.

05.05.2024 (Pathienni)

•Chawibiek Inkhâwm (Lalpa Zanbu)-Rawngbawltu: Pastor Lalditsak Inbuon, Tantu: Pi Lalnunzo, Pastoral Prayer: Pastor Lalthlanglien Sungte

•Worship Team le Media Team ta din

06.05.2024 (Thawtanni)

•China ram bika din: I. Kristien human rights lawyer Pu Gao Zhisheng chu kum 7 zet jail-ah a'n tâng hnung khawmin a sùnghaiin a hrisêlna ngirhmun le a thi am a dam iengkhawm an la hriet theinaw zing. Sawrkâr thuneituhaiin a chin a chang an hril lang naw baw. Pu Gao Zhisheng hih mi thil thaw thei tak le China rama kristien suknawmnatna tuorhai ta dinga ãangkai thei tak niin, tûmhni lai tawp Nobel Peace Prize dawng thei ding hai lai a hming a um ve (nominated) nghe nghe. II. April, 2021-a Bible zawr le semdar leia sawrkâr thuneituhaiin an man mi 10-hai laia ãang ve Pi Ban Yanhong chu April 15, 2024 khan 'dân kal a Bible zawr le semdar' tia intumin kum 5 jail intâng dingin a chungthu rêl a nih. Mi 10-hai laia mi 5-hai chu bail-a insuo niin, mi dang 4-hai chu an chungthu rêl hmabâkin an um.

07.05.2024 (Thawleni)

•Shikohabad, UP Mission field: I. Naupang lai rawngbawlna (Tuition le Sunday School) Lalpa'n mal a sâwm peina din. II. Music class (guitar, congo le dang dang) la nuom thalaihai Lalpa'n a mi tir pêk peina din. III. Shikohabad hmuna rawngbawltu – Evan. Pramod Kumar & family le Evan. Paozamuan hai nupa-Lalpan hrisêlna ãa pe a, a'n thuom thar peina din.

08.05.2024 (Nilaini)

•Karnataka-a kristienhai ta din: I. Sakhuo zalenna a tak ngêia kengkaw pêka an um pei theina

din. II. March 27, 2024 khan Chitradurga-a kristien thenkhathai chu sakhuona inlet tia indiklo taka intumin, kut thlâk khum an nih.

•Madhya Pradesh-a kristienhai ta din: I. Ringnawtuhai lakah Pathien vêngnimna an dawng peina din II. March 27, 2024 khan Mauganj-ah ãawngtai inkhâwm an nei lai chu ringnawtu thenkhatin an chawkbui a, chu zo chawmkhat hnungah ringtu pahni police haiin an man/hrên zui.

09.05.2024 (Ningani)

•HCFD Ningani Zan ãawngtai Inkhâwm (Online): I. Thuoitu: Evan. Vanlaltlan Amaw, Sharing: Pi Marilyn Lalsangpui
•Chhattisgarh-a um Pu. Teresiya Lal le a sùnghai ta din: Ringtu an ni lei ringawtin March 18, 2024 khan Koriya-ah kut thlâk khum an nih.

10.05.2024 (Zirtâwpni)

•Bihar-a Pastor Arjun le Pastor Sanjay hai ta din: March 27, 2024-a Siwan-ah ãawngtai inkhâwm an nei lai chu ringnawtu thenkhatin an chawkbui. Pastor-hai pahni le mi dang iemanizât hai chu nunrâwng taka kut thlâk khum an nih.
•Haryana-a Pastor Vivek le a rawngbawlna: Kârtin a ãawngtai inkhâwm a huoihawt hlak chu, March 24, 2024 khan, mi pakhatin, sakhuona inruichil/invêchil pâwl pakhatna mi le sa nia insâlin, a chawkbui.

11.05.2024 (Inrinni)

•HCFD Nuhmei Deptt. ta din: I. 2nd Saturday Inkhâwm Prawkram: Thuoitu-Pi Mawii Songate, Tantu: Pi Hmingmawi Hrangchal, Sharing: Pi Remthangmawi II. Nuhmei Pâwl vêngbuk ãawngtaiina a hrât pei theina ding le nuhmei inkhâwm an pung pei theina din III. Nuhai po po ta din (Thuvharhai 31:10-31)

12.05.2024 (Pathienni)

•Chawibiek Inkhâwm (SS Lesson 5, Daniel 5:1-31) Thuoitu: Upa (Dr.) Lalsiemlien Pulamte,

Ṭantu: Pi Julie Songate, Pastoral Prayer: Upa (Dr.) Lalsiemlien Pulamte

•HCFD DoM&YA Inkhâwm Prawkram-Ṭhuoitu: Tv. Ramsiemlien, Ṭantu: Nk. Jolly Ṭhieik, Sharing: Pu Lalhmingthang Songate

•Worship Team le Media Team ta din.

13.05.2024 (Thawtanni)

•HCFD NSS Deptt. ta din.

•Uttar Pradesh: I. March 28, 2024 khan Mahara-ganj-a Pastor Narmada rawngbawlina biekin chu ringnawtu ṭhenkhatin an suosam a, biekin hmangruo iemanizât an suksiet. II. March 29, 2024 khan Varanasi-a Pastor Rakesh a rawng-bawlina biekin-ah Good Friday inkhâwm an hmang lai chuh, sakhuo inletna hunser hmang-ah indiklo taka intumin, chawkbui a nih.

14.05.2024 (Thawleni)

•Raygada, Odisha-a um Pu Raina le a sâng-hai chu March 29, 2024 khan Easter Inkhâwm dinga an insiem lai ringnawtu ṭhenkhatin an in suosam pêkin, Pu Raina le a sânghai chungah kut an thlâk.

•March 31, 2024 khan Kausambi, Uttar Pradesh-a Pastor Rahul chu sakhuo inletna thila inhnarnawia tia indiklo taka intumin, police haiin an man/hrên zui.

15.05.2024 (Nilaini)

•Uttar Pradesh-a pastor ṭhenkhat ta ding le an rawngbawlina le inzawmin: I. March 31, 2024 khan Kanpur-ah Pastor Deepak chu sakhuo inletna thil le inzawma indiklo taka intumin, pastor pakhat dang leh Police in an man/hrên. II. March 31, 2024 khan Ghazipur-ah Pastor Rajesh chu Easter Inkhâwm a huoihawt lai police in an man/hrên. III. April 1, 2024 khan Unnao-ah Pastor Ramkhilawan chu sakhuo inletna thil le inzaw-min indiklo taka hêkin a um.

16.05.2024 (Ningani)

•HCFD Ningani Zan Ṭawngṭai Inkhâwm (On-line): Ṭhuoitu-Tv. Fimruolsung Infimate, Sharing-Nk. Lalnunthieng

•Chhattisgarh-a kristienhaiin mithi an nei huna buoina tuok lova ṭha le mawi inkhai taka ruong an sawngbâwl theina din. April 1, 2024 khan Bastar District-a Badermurma khuoah, nupui pakhat a thi a, a khaw mi (ringnawtu) haiin ruong phûm ding an dodâl. April 1, 2024 bawkh khan Durkiguda khuoah ringtu nuhmei pakhat a thi a, a khaw mi (ringnawtu) haiin ruong phûm ding an dodâl.

17.05.2024 (Zirtâwpni)

•HCFD Executive Committee ta din- Pathien ṭhuoina, sukhârta le thawpuina

•Chhattisgarh-a kristienhai ta din: I. Ringnawtu le misuolhai a'nthawka Pathien vêngnimna. II. April 4, 2024 khan Bastar district-a kristien sângkuo khat chu sawisak le an in suksiet pêkin an um. III. Feb. 4, 2024-a thubui zieklûta um le inzawma thu indawn fie dingin April 4, 2024 khan Raipur-a Police Camp-ah pastor Dalsingh ko a nih. IV. Dhamtari-a kohranhaiin inkhâwm le ṭawngṭai buoina um loa an thaw theina din. April 7, 2024 khan biekin pakhatan an inkhâwm lai chu chawkbuiin, biekin khawm suosam a nih.

18.05.2024 (Inrinni)

•India ram states ṭhenkhat a kristienhai ta din: I.

April 8, 2024 khan Tamil Nadu-a Mayiladuthurai hmunah Pastor John-in rawngbawlina a nei lai ringnawtu ṭhenkhatin an lo dodal. II. Panchmahal, Gujarat-a ringtu nupa tuok khat chu April 7, 2024 khan mawi lo taka sawisak le khawtlâng ensan hiel tuok dinga inṭhiṭhei an nih. III. Karnataka-a Pastor Rai le a rawngbawlina-April 2, 2024-a inkhâwmna an nei lai chuh ringnawtu ṭhenkhatin lûthchilin, an chawkbui.

19.05.2024 (Pathienni)

•Pentecostal Sunday-Ṭhuoitu: Pu Rohminglien Songate, Ṭantu: Pi Lalsiempiu Songate, Thuhritu: Pastor Lalsiesang Zote, Pastoral Prayer: Pastor Lalsiesang Zote

•Pentecostal Sunday hlawtling taka hmang a ni theina ding le HCFD member-hai lai siemtharna/hartharna a tlung pei theina din (Sam 85:6)

20.05.2024 (Thawtanni)

•Suolthuphachawina (1 John 1:9-10) le Pathien kuoma inhlantharna (Rom 12:1-2)

•Pastors' Prayer Fellowship, Delhi-in Manipur-ah 'Unity in Christ' ti thupui hmanga rawngbawlina an hang nei ding chu Pathien vêngnimna le thawpuina dawnga, hlawtling taka hun an hang hmang thei ngêina din.

21.05.2024 (Thawleni)

•HCFD Vêngbûk Inkhâwmhai a ṭhuoituhai ta din-Pathien ṭhuoina, sukhârta le thawpuina.

•Nk. Ruth Zoṭahnieng Sinate-in a enkawl Parvah Tuition Centre-a naupanghaiin pathien hmangaina indik taka an hriet chieng theina din.

•Ei Bible student Pu Lalngilnei Khawbung le Tv. Vijay ha'n an inçhûkna hmbâk tluongtaka an thaw zawm pei theina din

22.05.2024 (Nilaini)

•Shikohabad, UP Mission field: I. Ei biekin Lalpa'n a mi vêngnim pêk zingna ding le tui (water connection) a um vatna din. II. Kohranhai lai Bible tiem thei an hung pung peina ding le kohranhaiin puitling tieng an pan peina din. III. Baptisma chang nuom mi ṭhenkhat an uma, hming lâk khâwm mêk a ni a, baptismal service nei vat a ni theina din.

23.05.2024 (Ningani)

•HCFD Ningani Zan Ṭawngṭai Inkhâwm (On-line): Ṭhuoitu:Pi Rohlun Hrangchal, Sharing: Pi Keziah Khawbung

•Shikohabad, UP Mission Field: I. Kohrana ringthar haiin Thlarau Thienghlim keihruoina changa, sâng-le-kuo hai sawisêlna hnuoiah khawm an ringna an chel tlat theina din. II. Biekin chungah umna ding room bâwl sa a nih a, ṭha taka bawl zo a ni vatna din.

24.05.2024 (Zirtâwpni)

•Rampuo: I. Ukraine-Russia indo le Israel-Hamas/Iran (Middle East) buoina hai hih ṭhataka chingfel an hung ni theina din II. Myanmar ramah mipui insawrkârma a ngîr nâwk theina din III. South China Sea buoina, India-Pakistan ramri buoina hai hih diplomacy hmanga chingfel an hung ni theina din

25.05.2024 (Inrinni)

•HSA Jt. Hqtrs. Delhi le DHWA ṭhuoituhai ta din-Pathien ṭhuoina, sukhârta le thawpuina

•Ramsung: I. Manipur buoina chingfel a ni vat theina ding le remna le muongna a hung um

theina din. II. North East states ṭhenkhat a râlthum chelekna le helna (insurgency movements) hi ṭhataka chingfel a hung ni theina din.

26.05.2024 (Pathienni)

•Chaiwbiek Inkhâwm-Ṭhuoitu: Pu Pumzalal Pulamte, Ṭantu: Pi Chawnglienmawi, Thuhritu: Evan. (Upa) G.K. Thanga Ṭhieik, Pastoral Prayer: Pastor El Darnagan

•Chanchinṭha hril rawngbawlina a hin hrât lema hma ei pan pei theina ding le ringthar tam tak pêk belsaa ei um pei theina din

27.05.2024 (Thawtanni)

•Uttar Pradesh-a kristienhai ta din: I. April 7, 2024 khan Sant Kabir Nagar-a biekin pakhat police fein, kristien iemanizât hming an zieklûka, kristienhai chu an fekhâwm nâwk a nih chun man (arrest) dingin an vauh. II. April 7, 2024 khan Pastor Shiv le Pastor Govind hai chu sakhuo inletna thila inhnarnawia tia indiklo taka intumin, police camp-ah ṭhuoi an nih.

28.05.2024 (Thawleni)

•India ram hmun dang danga hnawchêpa um kristienhai ta din: I. Chhattisgarh-April 9, 2024 khan Bastar Dist.-a khuo pakhat kristien ṭhenkhat chu vântlang hrieta kristien sakhuona inphat dinga vauh an nih. II. Haryana-April 21, 2024 khan Faridabad-a Pastor Harish le a enkawl kohranhai chu râwng taka sawisakin an um a, iemani zâtin hliem an tuor. III. Uttar Pradesh-April 21, 2024 khan Sant Kabir Nagar-a Pastor Anil chu a rawngbawlina le inzawma thu indawn fie dingin police camp-ah ṭhuoi a nih.

29.05.2024 (Nilaini)

•India ram hmun ṭhenkhata pastor, an rawngbawlina le inzawma nêkchêpa umhai ta din: I. Uttar Pradesh-April 24, 2024 khan Pastor Durgesh chu a rawngbawlina le inzawma thu indawn fie digin police camp-ah ko a nih. II. Madhya Pradesh-April 27, 2024 khan Pastor Karan chu Dindori-a police station-ah indiklo taka hêkin a um leiin police ha'n an man. III. Uttar Pradesh-April 27, 2024 khan Pastor Sudhir chu a rawngbawlina le ringna le inzawma thu indawn fie dingin Mau-a police station-ah koin a um.

30.05.2024 (Ningani)

•HCFD Ningani Zan Ṭawngṭai Inkhâwm (Online): Ṭhuoitu:Pu Immanuel Khawbung, Sharing: Tv. Khamrosang Buhril

•Uttar Pradesh-a pastor Anthony le a rawngbawlina: April 27, 2024 khan Siddharthanagar-ah naupang prawkram an huoihawt lai Police va fein kristien iemani zat chu CrPC Section 151 besanin an man.

31.05.2024 (Zirtâwpni)

•HCFD DoM&YA bika din

•Hmar hnam ta din: I. Hmarbiel & Vangaitlâng (Manipur)-Mizoram infepawna lampui ṭha a hung um vat theina din II. Inçhûkna le fâk-le-dâwn thilah hratlema hmasawna III. Inruithei ngawlvawina (drug addiction/abuse)-a intâng abiktakin ṭhalai tamtak el hai chu inruithei ant-hawka an hung zalên theina din IV. Hnam ṭhuoituhai ta din.

Please visit HCFD official website:
<https://hcfid.in/>